

MALBATEKA KURD LI HOLENDA PARÊZERIN

amadekirn û berhefkirn Behzad Amêdî

Evro me bi fer zanî ku vê çavpêkeftinê digel keçeka kurd bikim ku şiyaye pileka bilind bi dest xwe bînit li welatekê biyanî..lê ez pitir sersumayî mam demê min zanî ku nebes ew xwedî pileka bilinde, belko hemû xelkê mala wê xwedan bawernamên (diplomayên) bilindin. Bêgoman palderek yê hey ku ew paldabine vê rêbazê û xuya bû deyk û babên wan bûyne ji bû wan, çunkî ew xwediyên hesteka neteweya zor bilindin pêdivye ew kar bikin bo miletê xwe, û dayka vê xêzanê diviya bi vî hestê bilind ve daxwazyekê ji dayk û babên kurd bikit di bêje:(ez wek daykekê li ewropa dijîm digel zarokên xwe, hîvîdarim ku hûn hemû bibine harîkar bo zarokan û hewil bidin bibine palder û nebin asteng ji bo pêşkeftina wan, ji bîr nekin ku hestê neteweyî li nik wan bilind bikin, her wekî mezina gotî eger gul nebî dirgîş mebe, çunkî paldana we bo zaroya û taybet bo keça, dê baweryekê li nik wan dirust kit daku bibine xwedî helgirê alayê paşe rojeka geş bo miletî û bo xwe jî. mebesta min ewe eger ew serbexwe bin di hizro bîrên xwe da, dê milet jî bi wan serbexwe bit, bê goman hûn mînaka wanin û hîvîdarim bimînin mînak û supas). Demê min ev çende guhlê bûy, bo min palderekê dî çê bû ku min hez kir zotirîn dem ez digel vê keçe bipeyvim ku keça vê kesa xwadan hesta neteweya bilind e, ka ewê çi heye, çi asteng û arêşe û çewa rêça xwe dîtîye? ew jî Maşela Demîrtaş e.

(Maşela Demîrtaş) xelka Mîdyadê ye li devera Mardînê ku dikeve bakorê kurdistanê, li sala 1974 li Holenda li bajêrê Arnhêm hatîye dinê. nuhe jî her li vî bajêrî dimîe, xwandana xweya seretayî, navincî û ya amedeyî jî her li vir dumahî anye û xwandina kulîca yasay li zankuya (naym'exin) dûmahî anye, nuhe helgira bawernama (diploma) parêzeriye li beşê (tawanbara).





*** her li destpêkê te hez dikir bi-biye parêzer?**

Tiştê her yê diyar ewe min diviya li destpêkê bibime noşdar ku da bişêm xelkê jar çareser bikim, daku subehî destê harîkariyê bi hizareha kurda ra dirêj bikim.

*** Maşela noşdar, çewa bû Maşela parêzer, me divêt vê bi-zanîn?**

Raste gelek ya jêk dûre wek nav, lê herdu bo harîkariya xelkê bê desthelat û jare, , min 2 sala babetê lêkolînê xwand, anku (muxteberat) ,lê paşî wek sîstemê Holendî pêdivî bû navê min bêhête tumarkirin bo wê kolîjê demê tumarkirina nevî, navê min hat bo kolîja parêzeriyê û ez xwe dibînim miroveka bextewer ku ez wek jin vî karê pîroz dikim.

*** Aya kî dî ji vê malbatê helgirê bawernameka (diploma) bilinde wek te ?**

Em malbateka boşin, xûşka min a mezin helgira bawername afseirya polîsiye, birayê min yê mezin helgirê bawername parêzeriyê û paşî bawername aboriya bilind bi dest xwe ve înyayê, xûşka min a dî noşdar e, birayê min endaziyarê tekinîkê firokên helîkoptera ye û hejî gotinê ye ku ev birayê min helgirê bawernameka (beraet alixtrae, simularor



for indoscopy), bira yê min yê dî helgirê bawername parêzeriyê ye û xûşka min helgira bawername aborye. birayê min yê ji hemûya biçûktir ew jî dê bite parêzer.

*** Çi we li we kir hûn hemû bibine xwedî bawername beriz û bi nirix ?**

Demê me dest bi xwandina xwe kirî, hindek gotinên dayk û babê xwe min li ber çavên kirin, ew jî (em li vir di xebitîn belko 20 katjimêra eger we divêt hûn wekî me bin karker anku dev xelkê kar bikin eve ya li ber destê hewe, eger we divêt hewlbden bo karê xamey û hizrê, ew jî rêk ji wera ya vekiriye li ber we) lewma me biriyar da ku em bibine helgirê bîr û bawername û karê xamey bikin.



*** Aya hîç arêşe li bersînge te hebûn ku tu bi gehiye aremanca xwe an jî te hendek palder hebûn ku kar têkirin ser te kiribin ?**

Bêgoman eger arêşe heban, ne ez ne xûşk û birayên min nedigehştine vî astî. Belko malbata min palder bûn ew jî li vêre ez supasya arestey hemû xelkê mala xwe dikim ku palder bûn û her wesa supasî bo hemû malbata ku destê harîkariyê ji zaroyên xwe ra dirêj dikin û hewl-didin ku zarokên wan serbexwe bin diboçûnên xwe de. Bêgoman eger em baş lê binêrîn nuke di demê karî da min û zor ji der bedera, anko xelkê biyanî li vêre arêşe hene li ser karî, çunkî ew hest dikin eve zoriye bû biyaniyekî li welatê wan bibite helgirê bawernameka bilind û dizanin ku em dê ji wan pêşkeftîtir bîn wek kurd, bo nimûne ez çome dadgehê min xwe daniyasîn ku parêzer bi şêweyekê fermî, dubare ji min pirsîn, tu kî min bo careka dî got ez parêzerim, paşî çend xelka got tu wergêrî, min gotê nexêr ez parêzerim, cara çarê pirsîn, erê tu kî? min got ez ya hatîm mafê hindêk bêguneha diyarbikim, anko ez parêzerim, eve wek xelkekê normal nevêt bibînin em wek biyanî bûyne xwedî bawernamên baş.

*** Tu wek parêzerek tu hez di kî**

kîj corê piroblema parêzeriyê lê bikey?

Li cem min hîç cêwazyek nîne li nav bera corên pirobleman, bêgoman bo min zor xweştir eger mafê mirovekî hat bite xwarin û destê harîkariyê jêra dirêj bikim, çunkî ew karê serekî yê parêzerî ye. dubare min divêt hemû corên parêzeriyê li warê karê xwe da bikim û bi taybet min divêt mafê kurda çespînim û zor harî wan bikim. bo zanîn min divêt gotinekê bînime ziman, demê ez subê li xwe mêze dikim, min divêt bizanim ka min harî tawanbarekî nekiriye û min mafê êkê dî nexwariye, çunkî wî katî ez dê şehmizar mînim û dê şermê ji xwe kim, lê min divêt ez xwe bibînim ku min harî mirovekê çewsandî yê kirî û ez şiyay me mafê wî bidest ve bînim.

*** Aya Maşela bi kê ya daxbare ?**

bi Nîlsin Mandîlay ya daxbarim çunkî yê gotî (dujmin dişêt hemû tiştê li mirovî wergirît bes neşêt hizr u bîra ji mirovî werbigrit),û li nav mîletê kurda ez ya babê netweya kurd Mela Mustefa Barzanî daxbarim çunkî ew wek serkirde û wek pêşmergeh kar dikir çî car xwe kêm neditiye, herdem li pêşiya pêşmergey dikeft û bo asteng bo dujiminî û mîlet parast ji hemû nexweşiyên, ez linav xelkê mala xwe yadaxbarim bi diyka xwe, çunkî ji-



neka ne xwandin û nevîsînê bizanî
şiyaye li salên 73 roxseta şofêrpya
holendî û şiyaye kar bikî bi awaye-
kê serbixwe û vê daykê tovê ser-
bexweya hizr û bîra li cem me çandî
û peyda kirî, bi rastî eva nuke tu li-
nik me dibînî ew berhemê hizra
dayka mine.

*** Tu di şêy biye helgira dengê
kurda, dê çewa gehîniye cîhanê ?**

Ez wek parêzer xwe dibînim li
vir dê şem dengê kurda û bîro
boçûnên wan û êş û azarên wan
hemûya gehînim, hewil bidim li gor
şiyayên xwe mafê kurda bilind bi-
kim, çûnkî li vir mafê mirovî yê hey
û bi zor rêk hene ku em dengê kurda
bigehînin û mafê wan diyar û aşkira
bikin, lê ta nuke min xwe nedîtiye
ku ez bikarim karekê ramyarî
(polîtîkî) bikim, ez dibînim bo min
zor zûye.

*** Te çi pîlan hene eger bi ziv-
iriye kurdistanê ?**

Eve xewna me hemûyaye eger êk
car bigerîne kurdistanê û bi anehya
xwedê ew roj ya nêzîk bûy, min
pîlanek ya hey ew jî eger zivirîm ku
bişem hemû jinên kurdistanê ewên
ne xwande van, anko nezanin bi
xwînin û binvîsin, firî xwandnê û
nivîsînê bikim birêka vekirina fêrge-
hên taybet bo nehêlana jinên ne
xwande van.

*** Erê Maşelayê gotineka mezina**

ku her di hizira wêde bit heye ?

Bê goman hemû gotinên mezina
ez kar pêdikim û ez ya pê daxbarim
anku yên hizrên min de belê ya jî
hemûya pitir ez hizir pêtkim ew jî
(bilind nefire eger dê nizim kevî).

*** Dumahyê te çi divêt bo jinên
kurd li dervey welatî û li kurdistanê
bêjî ?**

Ez hîvîdarm ku jinên kurd li-
dervey welatê xwe jibîr nekin ku
kurdin, mafê xwe bi dirustî bi par-
êzin, hewl nede mafê kesekê dî bi
çewsînin, bişaşî di mafê xwe ne ge-
hin, kelturê kurdî jibîr nekin û
hewl bden bine çirayekê geş ji bo
welatê xwe, bo mala xwe û xwe jî
jibîr nekin.

Sebaret bo jinên kurdistanê da
dijîn her dê bêjm hîni helgira alayê
şuresane, hînin dayku, xuşkên u
xêzanên şehîda pêtvye hîn hewlbid-
en mafê rewayê xwe bidirostî bikar
bihînin u malbatên xwe fêrken daku
hizr u bîrên serbixwe hebin u da
bine palderek bû hizru bîrên net-
weyî.

Bêgoman millet rizgar dibit eger
her êkî hizrên xwe yên serbixwe he-
bin û zaroyên xwe ser hindê per-
werde bikin.

**Li dumahyê supasî bo te û dayka
te ku we ev derfete dayeme..**